



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Decano Vlixbonensi, Prioribus sancti Vincentij & de Alcobacia.

urn:nbn:de:hbz:466:1-20006

fide interposita firmavisset quòd contra divisionem terrarum vacantium, quam dilectus filius Anninus ejusdem Ecclesie Decanus juxta suæ voluntatis arbitrium ordinaret, deberet nullatenus obviare, & tam pro hac quàm aliis multis causis perjurij reus existens, pro debitis Ecclesie, quæ retinuerat violenter, & fractura claustrum, sententia excommunicationis teneretur astrictus, per suggestionem falsi, nulla facta super præmissis omnibus mentione, ab eodem prædecessore nostro quandam Obedientiam, quæ Præsteria nuncupatur, in salutis suæ perniciem obtinuit sibi dari, tam ab eo quàm à nobis confirmatione super hoc impetrata. Quia igitur id in grave præjudicium Ecclesie noscitur redundare, cum de proventibus illius Præsterie illis qui assidue in Ecclesia serviunt memorata consueverint necessaria ministrari, discretionem vestram per apostolica scripta mandamus quatenus si prædictas confirmationis literas per suppressionem veri & falsi suggestionem, ut supra dictum est, vobis constiterit impetratas, nullatenus permittatis quòd dictus Galterus ex his fructum aliquem consequatur; quin potius tam Ecclesiam quàm Canonicos antedictos ab impetitione ipsius, quantum ab obtinendum Præsteriam illam, appellatione remota penitus absolvat; cum secundum canonicas sanctiones mendax preceptor carere debeat impetratis, in statum debitum revocantes si quid post appellationem ad nos legitime interpositam in eorundem Canonicorum præjudicium temere noveritis attentatum, & facientes quod exinde duxeritis statuendum per censuram ecclesiasticam inviolabiliter observari. Nullis literis veritati & justitie &c. Quòd si ambo &c. tu frater Archiepiscopo &c. Datum &c. III. Kalend. Iunij.

ABBATI DE IVGO DEI
& Priori de Scillin.

Svam nobis dilecti filij parochiani de Villafranca querimoniam destinarunt quòd Dalmasius capellanus eorum pro exequis mortuorum & benedictione nubentium minus licite pecuniam ab eis exigit & extorquet. quòd si forte cupiditati ejus non fuerit satisfactum, ne possint mortuorum corpora sepeliri vel nubentium benedictio celebrari, fictitia eis impedimenta fraudulenter op-

ponit. Quia igitur exactiones hujusmodi sacrorum canonum obviant institutis; discretionem vestram per apostolica scripta mandamus quatenus dictum capellanium, ut à tanta presumptione desistat, & etiam pro excessu satisfaciatur competenter, moneatis attentius, & efficaciter inducatis. Quòd si forte vestris monitionibus noluerit obedire, ipsi appellatione remota poenam infligatis. Datum &c. II. Kalend. Iunij.

DECANO VLIXBONENSI,
Prioribus sancti Vincentij & de
Alcobacia.

EXposuit nobis venerabilis frater noster Colimbrien. Episcopus quòd cum causa quæ inter eum & dilectos filios fratres militie Templi super Ecclesiis de Ega & de Rodina & Palumbario vertebatur, à bonæ memoriæ Lucio Papa prædecessore nostro venerabilibus fratribus Bracharen. Archiepiscopo & Episcopo Portugalen. fuisset à sede apostolica delegata, iudices ipsi partibus convocatis & in eorum præsentia constitutis, sicut in literis eorum accepimus, dictis fratribus mandaverunt ut de prædictis Ecclesiis vel eidem Episcopo vigesimo die post receptionem literarum ipsorum justitiam exhiberent, vel ei tanquam diocesano suo jura episcopalia in integrum persolvere procurarent; prædictis Ecclesiis interdicto subjectis, & parochianis earum excommunicationis sententia innodatis, nisi dicti fratres mandatis parerent ipsorum, vel iidem parochiani eis non parentibus in prædictis Ecclesiis divinis officiis interessent, aut decimas eis, primitias, sive mortuaria solverent, vel in ipsis corpora mortuorum sepelirent. Verum prædictis fratribus sententiam eorundem iudicum nullatenus observantibus, à felicitis recordationis Urbano Papa prædecessore nostro primò ad Io. quondam Vicedominum Brixien. & magistrum Io. Bergomen. Subdiaconum apostolicæ sedis sub forma prædictis iudicibus delegata, ac deinde ad venerabilem fratrem nostrum Tuden. Episcopum & dilectos filios de Reforio & Alcobatie Priores fuerunt literæ impetratæ: quarum auctoritate non fuit usque ad calculum sententiæ diffinitivæ processum, nec interdicti Ecclesiarum aut excommunicationis parochianorum sententia relaxata.

* In Tertia Collett. & ap. Gregorium Silla. Epist. 220. Ne pro mortuorum sepultura & conjugum copulatione pecunia exigatur. Cap. Suam nobis. De simonia.

Epist. 221. Ve causam Episcopi Colimbriensis & Militum Templi audiant.

118. 111. Vincentii Colimbriensis & Militum Templi audiant.

Venerabilis Colimbriensis & Militum Templi audiant.

Tandem verò cum dilectus filius noster G. sancti Angeli Diaconus Cardinalis, tunc apostolicæ sedis Legatus, intrasset Hispaniam, eandem causam venerabili fratri nostro Episcopo & dilecto filio Archidiacono Vlixbonen. delegavit: qui priorum iudicium sententiam confirmantes, interdicti & excommunicationis sententias in Ecclesiis ipsas & earum parochianos latam à primis iudicibus innovarunt, ac postmodum idem Cardinalis quod ab eis factum fuerat confirmavit. Quia verò nobis ad plenum non constitit de præmissis, discretioni vestræ per apostolica scripta mandamus quatenus recepta ab eisdem Templariis parendi coram vobis iustitiæ legitima cautione, partibus convocatis inquiratis de prædicta sententia diligentius veritatem, & si eam inveneritis iuste latam, faciatis mandari executioni, & usque ad satisfactionem à partibus per censuram ecclesiasticam inviolabiliter observari. eodem modo per omnia processuri, si forsan fratres ipsi noluerint quòd stent & pareant juri cavere. Alioquin partibus convocatis audiat causam ex integro, & ipsam appellatione remota mediante iustitia terminetis; non obstante privilegio in præjudicium Colimbrien. Ecclesiæ per subreptionem obtento. Quòd si omnes &c. duo vestrum &c. Datum Romæ &c. XII. Kalend. Iunij &c.

*ABBATI DE ALCOBATIA,
F. Menendi & P. Exod. monachis
Alcobatie.*

Venerabili fratre nostro Colimbriensi Episcopo didicimus conquirente quòd cum fratres sanctæ Crucis monasterium de Arganil sub protectione sua nuper receperint, quod suis prædecessoribus episcopalia jura conlueverat ab antiquis temporibus exhibere, nunc quodam de Canonicis suis sine suo consensu ibi facto Priore, occasione cujusdam privilegij à bonæ memoriæ Clemente Papa prædecessore nostro veritate tacita impetrati, eidem Episcopo debitam obedientiam denegat exhibere; inde sumpta occasione, quòd per matricem Ecclesiam non Cathedralis intelligunt, sed Romanam. * Quia verò non est nostræ intentionis ut jura fratrum nostrorum temporibus nostris indebitè minuantur, causam ipsam vobis duximus

committendam, per apostolica scripta mandantes quatenus si aliud vobis non occurrerit propter quod dictus Prior non debeat diocesano Episcopo respondere, eum ad præstandam dicto Episcopo debitam reverentiam, sicut prædecessores sui prædecessoribus Episcopi præstiterunt, appellatione remota per censuram ecclesiasticam compellatis. Nos enim per matricem Ecclesiam, Cathedralis intelligere volumus, non Romanam, non obstante privilegio in præjudicium Colimbrien. Ecclesiæ per subreptionem obtento. Quòd si omnes &c. duo vestrum &c. Datum Romæ &c. III. Kalend. Iunij.

*EPISCOPO ET PRIORI
Elborensi.*

Innotuit nobis, venerabili fratre nostro Colimbrien. Episcopo conquirente, quòd cum olim magna pars Colimbriensis diocesis ab inimicis crucis teneretur invasa, bonæ memoriæ Innocentius Papa prædecessor noster Lamecensem & Auriensem Ecclesias Colimbriensi (sicut ex privilegio ejus apparet) concessit tamdiu detinendas, donec amissam partem diocesis rehaberet. Cum autem A. quondam Rex Portugalliæ diocesim illam liberasset à manibus * paganorum, quandam partem ipsius dilectis filiis fratribus militiæ Templi, quandam verò monasterio sanctæ Crucis motu proprio assignavit, & in prædictis Ecclesiis Episcopos obtinuit ordinari. Ne igitur dicta Colimbrien. Ecclesia se doleat suo jure privatam, discretioni vestræ per apostolica scripta mandamus quatenus vocatis illis qui propter hoc fuerint evocandi, audiatis quæ hinc inde duxerint proponenda; & quod canonicum fuerit super his appellatione postposita statuatis, facientes quod statueritis firmiter observari. non obstante privilegio vel rescripto in præjudicium Colimbrien. Ecclesiæ per subreptionem obtento. Nullis literis veritati & iustitiæ &c. Quòd si ambo, &c. tu frater Episcope &c. Datum II. Idus Maij.

*DECANO VLIXBONENSI,
Priori & P. Frodiz Monacho
de Alcobatia.*

Innotuit nobis, venerabili fratre nostro Colimbrien. Episcopo intiman-

*Epist. 223.
Ejusdem ferè
argumenti.*

** id est, Sarra-
cenorum.*

*Epist. 224.
Privilegium in
grave detrimè-*

** In tertia Col-
lacione: Vnde
quia non*